

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1084814 25 St
Sarajevo, 26.03.2025. godine

Općinski sud u Sarajevu, stečajni sudija Sedina Duraković, u stečajnom postupku nad licem „SARAY BOSNAPLAST“ društvo sa ograničenom odgovornošću za usluge d.o.o. Sarajevo, ulica Safeta Zajke 61, Sarajevo, dana 26.03.2025. godine, donio je:

R J E Š E N J E

1. Pokreće se prethodni stečajni postupak radi utvrđivanja uslova za otvaranje stečajnog postupka nad imovinom privrednog društva „SARAY BOSNAPLAST“ društvo sa ograničenom odgovornošću za usluge d.o.o. Sarajevo, ulica Safeta Zajke 61, Sarajevo.
2. Za privremenog stečajnog upravnika imenuje se Mešković Hidajet iz Vogošće, ul. Blagovac I do 116, Vogošća.
3. Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:
 - obezbijediti imovinu dužnika i starati se o istoj,
 - ima ovlašćenja da uđe u poslovne prostorije dužnik i provede neophodne radnje,
 - utvrditi da li postoji razlog za otvaranje stečajnog postupka,
 - ispitati da li će imovina stečajnog dužnika pokriti troškove stečajnog postupka,
 - utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i uraditi kontrolu poslovanja stečajnog dužnika,
 - kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.
4. Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.
5. Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.
6. Rješenje će biti objavljeno u „Službenim novinama FBiH“, web stranici Općinskog suda u Sarajevu i na Internet stranici FIA-e, i istaknuto na oglasnoj tabli ovog suda, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

7. Ovo rješenje će se dostaviti Registru Općinskog suda u Sarajevu radi upisa zabilježbe prethodnog postupka u matičnom registarskom broju subjekta upisa broj MBS broj 65-01-0237-13.

O b r a z l o ž e n j e

Dana 01.04.2024. godine podnesen je prijedlog za otvaranje likvidacionog postupka nad privrednim društvom „SARAY BOSNAPLAST“ društvo sa ograničenom odgovornošću za usluge d.o.o. Sarajevo, ulica Safeta Zajke 61, Sarajevo.

Na ročištu održanom 26.09.2024. godine konstatovano je da društvo ima neizmirenih obaveza prema povjeriocima, te je istog dana Rješenjem broj 65 0 L 1084814 24 L obustavljen likvidacioni postupak.

Dana 18.12.2024.godine punomoćnik Galiba Hrvačić- Karačić je dostavila podnesak u kojem predlaže da se nad društvom „SARAY BOSNAPLAST“ društvo sa ograničenom odgovornošću za usluge d.o.o. Sarajevo, ulica Safeta Zajke 61, Sarajevo otvori stečajni postupak.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju i da je isti dopušten, dana 19.02.2025. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač je dana 12.03.2025. godine dostavio sudu dokaz o uplati predujmljenih sredstava za finansiranje prethodnog postupka u iznosu od 5.000,00 KM.

Na osnovu priložene dokumentacije i saslušanja predlagača, te zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog stečajnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Službene novine F BiH“, broj 53/2021).

Odluka iz stava 3. ovog rješenja donesena je na osnovu odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, odlučeno je kao u izreci rješenja.

STEČAJNI SUDIJA
Sedina Duraković

Pouka o pravnom lijeku: Protiv ovog rješenja nije dozvoljena žalba.